

鶴沖天

迷祛惑去正好修行做清靜是根源真門戶切莫他尋恐遺遺
望仙路閑閑更閑處靈根元明轉轉愈爲開悟 功圓行滿唯
有紅霞聚往昔得遭逢親師父此則專來教長生訣頻頻顧方
知今得度便許相隨永永共攜雲步

望遠行

晴空日照逢澄夜月吐銀輝星瑩運三光處五彩騰明做作靜
中瞻聽察見真修真鍊氣神攢聚便許密遊良逕這盈盈功行
於斯已定 端正應是細搜細刷現出箇本來元性葉葉皆靈
枝枝總秀精瑩永成清淨雲外青童待詔傳言授取天皇宣命
道藏輯要

重陽全真集

九 下胃集一

謝十洲三鳥神仙來聘

又 詠雪

祥敷瑞布瓊瑤妥片片風刀裁下密拋虛外徧撒空中頃刻粉
鋪簷瓦鎖綴園林粧點往來樵逕真箇最宜圖畫報豐登珠寶
應難比價 清雅鮮潔盡成滉瀆更爽氣愈增惺灑萬壑都平
千山一色遐邇不分原野恰似予家仙景澄徹瑩瑩蓬萊亭榭
現自然光耀長明無夜

滿庭芳

選子奇瑰依時耨種自然生發靈苗風滋雨潤漸漸引枝條長
就方能鈿刈池隍漚日變青梢令人羨新鮮淨潔款款起皮臙